

TILLAA TƏMLƏ

Kətulət

Tillaa Təmle takəlaya wenna isı salav wei i kava Laapaalənaa na Pəli-wə pa kəhmanmaasi hekə taa tə. Ka taa ké pa keesəyi-tuyv isəna Yesu Kilisiti Isə seelaa caala Yuta nyəma taa na piitimnaa taa tə.

Yuta nyuyv nyəma na Lom nyəma pa tv kancaalaya Isə seelaa ke wahala ke səsəm. Pəli ka ké wahala tulaa mpe pa taa ləlv wei Isə layasa tampana layasuyv tə si í kraali Laapaali Kupaŋ ke piitimnaa ləlaa. Takəlaya ŋke ka keesa-tv tətəyə Pəli cəənav ke Laapaali Kupaŋ ke tetv taa.

Isəna pa faɣa Tillaa Təmle takəlaya tə:

Feesuyu Nanjtv tanjuyv, titite 1

Aseeta nyəma ke Yosalem taa, titite 2-7

Aseeta nyəma ke Yuta na Samalii taa, titite 8-12

Pəli təmlə, titite 13-28

Feesuyu Nanjtv ka tii tillaa səsaa tə

¹ Ma yulv Teufili, ma takəlaya kancaalaya nyəŋka taa ma keesa mpi mpi Yesu caala lapv tə, na nti nti i seyesa pə krayav kancaalaya, ² na pə suna kuyanku i kra isə tə. Na pəcə Yesu kra isə tə, i ka heelina Feesuyu Nanjtv ton ke mpi i caa si yəlaa mpa i ləsaa si i tillaa tə pá la tə. ³ Yesu səm waali i lukaya i tillaa tə, na í húləyənə-weyə yaasinaa payalə taa si i fema. Halı kuyeyə nule taa təcú ké Yesu lukaya i tillaa tə na í lakı-weyə Isə Kawulaya waasv. ⁴ Mprúyú kuyaku nakvli Yesu na i tillaa pa caɣaa na pá təŋna təyəv. Tənaɣa i heela-wə si: I taa hatələna Yosalem. Ama í

keŋna mpi Taca ka tōma si i ká ha tō, kuvəəv ŋku ku tōm ma a heela-me tō. ⁵ Mpi pə tō tō, lum mayamaya ke Yoħaanı naa sōna yəlaa ke İso lum. Ama ye me ile, pu la wee naale tō Feesuyu Naŋŋtu mayamaya ke paa keli na pá sə-me.

Yesu kra iso

⁶ Mpróyú Yesu na mpa paa kota mpv tō pa pəəsa-i si: Taca, ye mpv pəneyele n ká tayanı İseyeli kawulaya ŋkeye kusuyu na?

⁷ Tənaɣa Yesu cə i na mpa paa kota mpv tō si: Pə taya si mu nyəna kuyeyɛŋ yaa waatunaa mpa Taca mayamaya suna i toŋ tō se. ⁸ Ama kuyanŋku İso Feesuyu Naŋŋtu ka tii mə tō tō, í ká hiki toma na í hólí pə təna mpi í nana mə isəpee tō pə tampana ke Yosalem, na Yuta, na Samalii pə tetvnaa təna taa. Haləna pə polo pə tala antulinya tənasi təna təpai.

⁹ Yesu tema mpróyú yəɣətuyv, ilena pə kraasi-i iso na pá nyənəɣi-i mpv. Haləna pulvpu isu ŋmuntuyv kəə pə takı i tō, pa ta tasa-i nav.

¹⁰ Yesu kra iso na i tillaa wee na pá təŋna nyənuyv təpiŋ ke mpv, ile pa tuta apalaa naaleye pa cəlyəle na pá suu wontu kəhəlvmtv. ¹¹ Na apalaa mpe pá pəəsi tillaa si: Kalilee nyəma me, pepe tō ké í səŋaa na í nyənəɣi iso ké mpv? Yesu wei pə ləsa mə hekv na pə kraasi-i iso ké isəntə tō, i ká te na í məli mpróyú teitei isu í na-i na í kraaki isəntə tō.

Matiyası məla Yutaası lonte

¹² Mpróyú tillaa kula tuŋ wei pa yaa si Olifinaa tō i puyv ŋku ku kiŋ paa wee tō na pá məli Yosalem. Puyv ŋku na Yosalem pə fei pooluŋ. Pə ta kəli kiloməetəli kvlm. ¹³ Pa talaa, ilena pá kra pa isətaa kutuluyv

ηku ku taa paa suokaya tō. Mpa pa suokaya tēna təyōle Piyee, na Yohaani, na Saaki, na Antəli, na Filipu, na Tomaa, na Paatelemii, na Matiyee, na Aləfe pəyalu Saaki, na Simōη wei i kē mpa pa ləkaya si pa mvyi pa tetv tō pa taa ləlv tō, na Saaki pəyalu Yuti. ¹⁴ Pa tēna pa kotaya təntəmle ke tam na pá sələməyi Iso. Pa taa ka we alaa napəli, na Yesu too, na Yesu newaa.

¹⁵ Kuyeeη inu i taa, kuyaku nakvli yəlaa kotaa, hali pa tala isu yulonyōη nunowa na hiu (120). Uena Piyee kvli na i səη i taapalaa mpe pa heku na i tō si: ¹⁶ Ma taapalaa me, tōm nti Iso Feesuyu Naηηtu ka tu Tafiti nəyō taa na i yōtōti, na tē we Iso Tōm takəlaya taa kē Yutaasi wei i tee Yesu kpalaa ke nəyō tō i tōm tō, pə wee kē si tu la. ¹⁷ Yutaasi inu i ka kē ta taa ləlv, na tá na-i tu kpenta təmle tēne tē taa.

¹⁸ Apalu inu, waatu wei i tēma tetv yapu na i tulum liyitee anu tō, i polaa na i hoti tē taa kē i nəyō tō, na i lotu tvli, na i taa lotu ya na tē ηmaa. ¹⁹ Tōm tēne tē yeka Yosalem nyóma tēna kin, haləna pá ha tetv ntəyi hətē na pa te taa si: Akeletama. Caləm tetv ke pa yaa mpv na pa te taa. ²⁰ Pa ηmaa Yontu takəlaya taa si:

I təyaya i təkí kaav.

Nəyōlv i taa kusí-ke.

Na lentí tōtō si:

Nəyōlv i lēeti i lonte.

²¹⁻²² Ye mpv pə wee si mpa pa təηaya-tuyv waatu wei tá na Tacaa Yesu tē cōkaya tetvnaa tō, pa taa nəyōlv i sōosi tá tō, na tá na-i tē hólí Tacaa Yesu səpv na i fe tō pə tampana. Puntv inu i ká wee wei kuyeeη tēna i ka we tá waali kē pə kpaγav Yohaani sōv Yesu ke Iso lvm tō, haləna kuyanηku pə ləsa-i tá heku na pē kpaasi-i iso tō.

23 M̄p̄óȳú pa læsa yəlaa naale, Yosəəfu wei pa yaa si Paasapası na pá cuyusi-ı si Yutusi tə, na Matiyası. 24 İlena pá sələmi si: Taca, nyá nyəmna yəlaa lo-tunaa, hólí-tuȳu yəlaa pane pa naale pa taa wei n læsaa si í la tillu, 25 na í paasəna təmlə nte Yutaası yelaa na í tē ı nyəŋku tə.

26 Tənaɣa pa tə tətə na pə kpa Matiyası, na í səsı tillaa naanəwa na kuləm inı ı təə.

2

Feesuyu Nanjtu tiu

1 M̄p̄óȳú pə tala Pentakənta acima wule, ilena İso səelaa koti pa tənaɣa təntəmlə. 2 Pə tasaa ıle, kəkətə natəli, isu heelim səsəəm makuȳu tə, luna isətəa kele, na tə nyaləna təyaya ŋka ka taa paə we mpu tə. 3 M̄p̄óȳú pulɣpuna lu pa təə na pə nəɣəsəna isu kəkə nsəma. İlena pulɣpuna mpe pá ya na pá caɣa paə wei ı təə ké kuləm kuləm. 4 Tənaɣa Feesuyu Nanjtu haɣa pa təna pa taa təmammam, na pá suv piitim lempı təm yəɣətuȳu, na nti Feesuyu tu pa taa tə ntəyi pa yəɣətaya.

5 Pə pamna mpa pa təŋəyi İso mpaav ke teu tə pa luna antulinya təna taa na pá we Yosalem ke waatu inı. 6 Yəlaa mpe pa nu kəkətə n̄tə tə taŋ, ilena pá koti səsəm. M̄p̄óȳú pə lapa-weyə ha, pə taɣa pulv, paə wei ı nukaya İso səelaa yəɣətəɣəna ı tē taa. 7 Tənaɣa pa kpa nəəsı na pə la-weyə piti, na pá tə si: Isu Kalilee nyəma tike yəɣətəɣəna isəntə. 8 İle pə lapa isəna na paə tá taa wei í nukı pa yəɣətəɣəna ı tē taa? 9 Anı tá taa cəne mpa pa luna Paatı tətə tə pa weə, Metii na İlam pə nyəma ná weə, Mesopotami nyəma ná weə, na Yuta na Kapatəsı pə nyəma, na Pəŋ nyəma

na Asii tetu nyóma, ¹⁰ Filicii na Pamfili pə nyóma, na Icipiti nyóma na Silεeni cələ Lipii tetu həyələyυ ləηkυ nyóma, na pə kaasa lelaa mpa pa luna Lom tə. ¹¹ Yuta nyóma siyisiyi wεε, na pə kaasi mpa pa sυ Yuta nyóma Isəsele ke kvsυ tə, na Kələeti nyóma na Alapυ nyóma. Paa na mpu pa tu keesəyi Isə təma səsəna təm na tá təmnaa waani waani taa, na tə nukı tá təna.

¹² Pə təmsa pa təna, pa ta nyı nti paa yəyətı tə. İlena pá pəsəyi təma si, təm tənε ntiyile mpu? ¹³ Ama lelaa ná wəηa-wε, na pá tə si sulum pına-wε.

Piyεε waasv

¹⁴ Tənaγa Piyεε na tillaa lelaa naanυwa na kulum inı pa kulaa na pá səη isə. İlena Piyεε yəyətəna samaa na nəγə səsaya si: Ma Yuta nyóma me, na mpa me mə kəma Yosalem ke kəkəm tə, í tυ ηkraηη na í cekəna teu ke nti ma heeliyi-me tə. ¹⁵ Pə taya sulum kuyuna yəlaa pane inı isυ í hυkı tə. Pə taya pulv tə, pə kəla tanaη. ¹⁶ Ama nti Isə kuyəyətutυ teləsulv Sowεeli ka yəyətəa tə, nti tə mayamaγa tə lakəna saηa.

¹⁷ Isə yəyətəa si:

Nti maa la kuyεεη kantəkaya nyəη taa təyələ.

Maa tisi ma Feesuyυ ke yəlaa təna tə.

Mə pəyalaa na mə pεelaa ká na nti tu la cele tə na pá yəyətı.

Pu hólı mə ifepiya ke təmnaa na pá nana pa isəpee.

Na mə kəkpatəlaa ká toosi toosee.

¹⁸ Tampana tə, maa tisi ma Feesuyυ ke ma təmle nyóma,

apalaa na alaa nyóma, pa tə kέ kuyεεη inı ı taa.

Paa ná nti tu la cele tə na pá yəyətı-tı.

¹⁹ Maa la kəkələ nyəmnaa ke hatoo isətənyυ taa,

na piti təma ke ate.

Caləm na kəkə na nyəəsı səsəənsı ká nyala.

²⁰ Ilim ká sı təkpitii.

Isətv ká see isu caləm.

Pə təna pu la mpv na pécó pé tala

Tacaa kuyaku səsəəŋku teeli nyəŋku ŋku.

²¹ Pé na pə mpv tə yəlaa təna mpa

paa yaa Tacaa hətə tə paa tui-ti.

²² Iseyeli nyəma me, í nu nti ma heeliyi-me tə.

Nasaleti Yesu ké yulv wei ı səsəəntv Isə hólá-me təyə.

Pə taɣa pulv, Yesu niŋ ke Isə lapəna piti təma na

səyəntv təma na Isə kəkələ nyəmnəa mpa ı hólá mə

hekuta tə. Isu mə mayamaya í nyəm pə təna tə. ²³ Na

yulv inəyi Isə kpaɣaa na í cəle-me isu ı ka huv ı taa na

ı tv pə pəle sı ı ká la tə. Ama mə kv-ı, mə yelina na

yəlaa asaɣaa kamı-ı səm tesika tə. ²⁴ Ama Isə yəka

səm toma na í feesi-ı. Pə taɣa pulv, pə fei sı səm í lapı-ı

pulv cəcəka. ²⁵ Tampana, Tafiiti yəyətə Yesu inı ı təm

ke mpv sı:

Ma naakaya Tacaa ke tam ké ma cəlyə.

ı ka səŋa ma waalı ké sı má taa selina pulv.

²⁶ Pə təə ké ma laakalı caya təntəmle ke teu,

na laŋheele kuyv-m ma yəyətaya taa.

Paa ma ké yulv na maa sı tə,

ma cayaana teelvuyv.

²⁷ Pə taɣa pulv təə,

Isə nyá n kaa lə-m yem ké atətəle taa.

N kaa yeke sı nyá yulv má má tu səŋ

paa pəcə mayamaya.

²⁸ N hula-m weesuɣu mpaŋ.

N ká wee ma kiŋ na ń hvləsəyi ma laŋle ke teu.

²⁹ Apalaa me, í yeke má tuləsi-meɣe tá ləŋce Tafiiti

təm təcıceı sı, ı səpa na pá pimi-ı, na ı pəlaav we

tá heku ke haləna saŋa. ³⁰ Tafiiti inu i ka ké Iso kuyəɣətutu teləsulu ké na í nyəmə́ teu si, Iso ka təma nti na tuunav si i ká lapı-i tə pu la. Səsi Tafiiti ləlyəy taa tv nəɣəlv ká təɣəna kawulaya ŋka Tafiiti inu i ka təɣaa tə. ³¹ Hatoo ləŋ Tafiiti nawa mpi pu te na pə́ la tə. Pə́ tə́ ké i yəɣəta Mesii səpu na í fe tə pə́ təm si: Pa ta lə-i yem ké atətəle taa.

I ta tu səŋ paa pəcə mayamaya.

³² Yesu wei inu i təm ma yəɣətəyi isəntə tə, Iso feesa-i, na tá təna tə nana tá isəpee təkəlekele. ³³ Iso kusa i nyuyu na í cayası-i i kəŋkəŋ taa. Ilena í kpaɣa Feesuyu Naŋŋtu, wei i ka təma si i ká ha tə, na í cəle-i. Na Feesuyu Naŋŋtu inəyi Yesu tisa tá təna tá tə́, na í təŋna nav na nuw ke isəntə. ³⁴ Pə́ taya isu Tafiiti mayamaya ná kpa isə se. Ama paa na mpv i yəɣətaa si:

Tacaa Iso heela ma Səsə si:

Caya ma kəŋkəŋ taa.

³⁵ Haləna má kəna nyá kolontunaa,

na í loosi nyá nəəhəe ke pa tə́.

³⁶ Pə́ wəe si Iseyeli yəlaa təna ká nyi teu təkpaataa si, Yesu wei í kama səm tesika tə́ tə, inəyi Iso lapa Səsə na Mesii.

³⁷ Iseyeli nyəma nu təm tənə lena pa laŋa pəsi səsəm, na pá pə́si Piyee na tillaa ləlaa si: Ta taapalaa me, isənaya pə́ wəe si tə́ la ile?

³⁸ Tənaɣa Piyee cə-wə si: I lə mə isayatu na í layası huwəe, na pá yaa Yesu Kilisiti hətə na pá səna paa mə taa wei ké Iso lvm, na pə́ husi mə isayatu. Ilena í hiki Iso kvcəvv səsəvv ŋku kv ké Feesuyu Naŋŋtu tə.

³⁹ Pə́ taya pulv tə́, mə na mə piya na hatəlaya nyəma ke Iso təma si i ká ha, í tu laalaa na í yaa wei te, í lé i hikaa ké.

⁴⁰ Μρύγύ Piyee tasa Iseyeli nyóma ke təm payale ke heeluyu tətə, nti tu səna-we na tə səəsi-weye apalutu tə. Səsi, í læsi mə təyi yəlaa letaa pane pa taa na í tuliti.

⁴¹ Μρύγύ Iseyeli nyóma taa yəlaa tuutuuma mu Piyee təm na pá sə-weye Iso lum. Kuyanku, mpa pa suv Iso seev tə, pa nyəəη tala isu iyisi tooso (3000).

⁴² Pa isəle ka seena tillaa kuseyesətu ke nuu, na pa təηaya təma na laηhulumle ke səsəm. Pa təkaya təntəmle ke tam, na pá puki Iso sələmuyv pu səə nəγəlv.

Iso seelaa cakəle

⁴³ Tillaa lakaya piti təma na Iso kəkəlv nyəmnaa, na pá kraa paa wei ké səγəntv. ⁴⁴ Iso seelaa təna ka wəna nəγə kulumaya, na pa krentaya mpi mpi pa wəna tə. ⁴⁵ Pa pəetaya pa tetvnaa na pa wontunaa na pá kotiyi pə liyitee ke təntəmle, na pá caala pa taa wei pa waasəna-i. ⁴⁶ Pa təna paa kotaya paa ifemle nteye Iso təseele ke Iso sələmuyv pu səə yulv. Ye pa saa-weye pa teesi taa, təntəmle ke pa kotiyi na pá təkí. Laηhulumle ke pa təkayana pa təγənasí, na pa taa hetəna təma. ⁴⁷ Na pá saη Iso, na yəlaa təna laηa heena-we. Paa kuyanku Tacaa səəsaya pa kpekəle təə ké mpa mpa pa nyəəη pə yapa tə.

3

Kaakalaya hika nəəhe

¹ Μρύγύ kuyaku nakuli Piyee na Yohaani pa pukaya Iso təseele ke ilim kpiluyv sələmuyv. ² Apalv nəγəlvuyv pa luləna kaakalətv, na pá pukina-i na pá suki Iso təseele səəsəle nənəγə ηka pa yaa sí Caηəm Nənəγə təγə paa kuyaku ηku sí í sələməyi Iso təseele taa sulaa

ke liyitee. ³ I nawa Piyee na Yohaani pa suuki Iso taseele taa, ilena í sələmi-we si pá ha-i pulu. ⁴ M'púyú Piyee na Yohaani pa nyəna-i təpini. Ilena Piyee tami-i si: Paasəna cəne.

⁵ Tənaɣa kaakalaya paasəna-weɣe teu, na ka tɛelayaa si paa ha-keɣe pulu. ⁶ M'púyú Piyee toma-ke si: Ma feina liyitee si maa ha-η. Ama maa ha-η mpi ma wena tɔ. Na Nasaleti Yesu Kilisiti toŋ taa kuɓi na n̄ tɔ.

⁷ Ilena Piyee siisi na í tɔki kaakalaya na niŋ ntəɣəŋ, na í kuɓi. Tənaɣa kaakalaya nɔɔhɛɛ na ka nɔɔcɔwasi kra toŋ ke kpa kraa. ⁸ M'púyú ka kulaa təhapa na ká tií ka nɔɔhɛɛ tɔɔ, na ká səŋ təye na ká niki tɔntɛ, na ká na tillaa səsaa pá krenti na pá suu Iso taseele taa. Na ká toŋ na ká ŋmaaləɣi na ká saŋ Iso. ⁹ Samaa təna ná ka tɔntɛ na ka Iso sam. ¹⁰ Pa kɔma na pá cəkəna si ŋke ka cakayana Iso taseele Caŋəm Nɔnəɣo kiŋ na ká sələməɣi liyitee, ilena sɔɣəntu na piti la-we na isəna ka hika nɔɔhɛɛ tɔ.

Piyee waasu ke Iso taseele taa

¹¹ M'púyú kaakalaya ŋke ka nyəna Piyee na Yohaani ke tam. M'púyú piti kra samaa ke səsəm, ilena pá watu Piyee we pa tɔɔ ké sakaya səsəɣa ŋka pa yaakaya si Saluməŋ sakaya tɔ ka tɛɛ. ¹² Piyee ná mpɔ, ilena í tɔ samaa si: Iseyeli yəlaa me, pepe tɔɔ ké apalu inɛ i kuluyu tɔ pə ceki mə laŋa? Na pepe tɔɔ ké í nyənəɣi-tu isu tá mayamaɣa tá toŋ yaa tá Isəsele teu napəli pə yelina na apalu inɛ í toŋ? ¹³ Apələham na Isaaka na Yakəpu pa Iso, wei i ké ta caanaa caanaa Iso tɔ, i kuɓa i təmle tu Yesu nyuyɔ. Ama me mə tu-i toŋtonaa niŋ taa. Pəle pə waali Pilati luyɔ lapa si i yeki-i tɔ, mə tayanna kisuyɔ. ¹⁴ I kisa yulu kɔpaŋ

tampana təŋlv inı, na ısayav kpitikpiti ké í səɔlaa na í sələmi Pilatı sı í tvlı-meɣe ílé. ¹⁵ Ḿpúyú pə lapa na í yele na pá kv weesuyu halv. Ama Iso ná feesa-ı na t́ nana tá ısepee. ¹⁶ Yesu inı ı maɣamaɣa ı toŋ taa na táá tɛmnav ke-ı yelina apalv inɛ ı kulaa. I nyəma-ı na inı ı səŋna mə ısentaa ısəntə. Táá tɛmnav ke Yesu yelina apalv inɛ ı wena ı ti təmmam na mə təna í naaki mpv.

¹⁷ Təv, ma nyəma me, ma nyəmá teu sı mə na mə səsaa í taa cəkəna təɣə í lapa Yesu inəɣı mpv. ¹⁸ İle təm nti Iso yelaa na Iso kvɣəɣətvtv teləsəlaa təna kpaalı hatoo ləŋ taa, sı ı Mesii ká təɣə kvnyəŋ tə, nti inı tə maɣamaɣa ke ı yelaa na t́ lá. ¹⁹ Pə təv tə, í lə mə ısayav na í layası hvwee, na í pəsəna Iso təv. İlena ílé í tayanı mə təwakəllena. ²⁰ İle Tacaa ká ha-meɣe kvyeŋ wei ı taa pu waası-me tə, na í kəna Mesii wei ı ka ləsa hatoo ləŋ na í sı-me tə. Mesii inəɣəle Yesu. ²¹ Ama pə wee ké sı Yesu Kilisiti í caya ıətəaa, haləna pə tala waatv wei paa tayanı pə tənaya kvfam pəsuyv, ısu Iso ka tɛm yeluyv ke hatoo ləŋ na ı kvɣəɣətvtv teləsəlaa kvpama yəɣətı tə. ²² Halı Moisi maɣamaɣa ná yəɣəta ı təm ke mpv sı: Tacaa mə Iso ká kəna-meɣe Iso kvɣəɣətvtv teləsəlv nəɣəlv wei ı we ısu má, na ı ká wee mə maɣamaɣa mə piitim tv, na í ká təŋ tə təna nti ı ká heeli-me tə. ²³ Ye wei ı ta nuna Iso kvɣəɣətvtv teləsəlv inı, paa ləsi pəntv ke Iso yəlaa taa na pá kv-ı. ²⁴ Iso kvɣəɣətvtv teləsəlaa mpa pa təna pa yəɣəta pə kpaɣav Samiyeli na ı waalı nyəma pa looŋa ŋke ka tənaya mpv tə, pa yəɣəta kvyeŋ inɛ inı ı təm. ²⁵ Mpi Iso ka təma sı ı ká ha na Iso kvɣəɣətvtv teləsəlaa ŋmaa pə təm tə, meɣe ı təma sı ı ká la. Halı mə təm ke Iso ka yəɣəta saa wei í na mə caanaa caanaa paa sı təmaya

nəəsi tə. Waatv inəyi Iso təma Apələham si: Nyá piya təo ké maa la atə yəlaa tənaya kəpantv. ²⁶ Pə təo ké Iso ləsa i təmle tv tə, mə cəlyəo i laaləna-i kənav. I kəna-məye-i m̄p̄ȳȳ si í la-məye kəpantv, si í layasi-me na paa wei í yele i yaasi isayav.

4

Pa yaa Piyee na Yohaani ke nənəyo

¹ Piyee na Yohaani pa təhna samaa ke yəyətənav ke mpv, ilena kətəlaa na Iso təseele tanlaa nyuyv tv na Satusee nyéma pa tala. ² M̄p̄ȳȳ pə sala-we. Pə taya pulv tillaa səsaa naale ná seyesaya samaa si Yesu fema. Mpv tə sətəa ka tə na pá fe. ³ Tənaya Yuta nyéma kpa-we na pá təkí-weye saləka, si pə fema ilə paa cəkəna. Pə taya pulv, saa inu tə pu təma taanuyv. ⁴ Paa na mpv mpa pa nuwa Piyee faaci tə, pa payale m̄wa. Haləna m̄vlaa mpe pa taa apalaa tapə isu iyisi kakpasí (5000) ke mpv.

⁵ Təv fema, ilena Yuta nyéma səsaa na nyuyv nyéma na Iso Təm seyesəlaa səsaa, pa koti Yosalem. ⁶ Pə kpaγav isu kətvlv səsə Ana, na Kayifi, na Yohaani, na Alekəsantəli-weye mpv na kətvlv səsə luluyv nyéma təna. ⁷ Iləna pá ləsi tillaa səsaa na pá kəna-weye pa hekv taa, na pá pəəsi-we si: Mpi inu í lapa isəntə tə, awe heela-me si í la mpv? Na awe ton taa ké i tu lapəna mpv?

⁸ Tənaya Feesuyv Nanjtv ton kuləna Piyee na í tə-we si: Təv, tətəv səsaa na nyuyv nyéma me, ⁹ saŋa pa pəəsəyi-tuyv kəpantv nti tə lapa kaakalaya tə tə təm, na isəna tə lapa na ká kvli tə. ¹⁰ Ilə pə wee si í nyi təm ntəyi mə təna. Iseyeli yəlaa təna í nyi-ti tətə si, Nasaləti Yesu Kilisiti wei í kama səm tesika təo na Iso

feesi-ı tō, ı toŋ taa ké yulb me ı hika ı ti na í naa-ı mō
hekv taa ké isəntō. ¹¹ Na Yesu inı ı tōm ke pa ηmaaawa
Isō Tōm taa sı:

Nmalaa me, í ka lōwa pəle nte tō,
ńté tō pəsəna nteye kite tee pəle səsəle.

¹² ı tike təkōŋ ı yakəna yəlaa nyōŋ. Pə taɣa pulb, hətə
təne tō paasi, lentə fei antulinya təna taa nte Isō hula
yəlaa sı tó yaa-te na pə ya tá nyōŋ tō.

¹³ Μρόγύ kotuyu səsaa mpe pa nawa isəna Piyee na
Yohaani pa yōɣətəna apalvtō tō, ılena piti kpa-weye
səsəm. Pə taɣa pulb, pa maɣamaya pa nyəmá sı Piyee
na Yohaani pa ké yəlaa ke yem ké, pa ta la ceu nōɣlv.
ılena pá təsı sı paa ké Yesu təŋlaa. ¹⁴ Pécó yulb wei
ı ka hika ı ti tō, ı səŋa pa isəntaa təna. ıle pa ta nyı
nti paa yōɣoti tō. ¹⁵ ılena kotuyu səsaa tō Piyee na
Yohaani sı pá lu təhvule taa. Pə kaasa mpe ılena pa
niki tō saawala. ¹⁶ Sı: Isənaya tii lana yəlaa pane inı?
Pə taɣa pulb, Yosalem yəlaa təna tema nyəm sı mpe
pa lapəna piti təmle səsəle təne, pécó pə fei tu kpəesi.
¹⁷ ıle tii kisina-weye təpvlvpvlb sı ye pa tasa nōɣlvuyv
Yesu hətə təne tō tōm heeluyv paa na. Pə taa kōō na
tə tōm səsı yav ke yəlaa taa.

¹⁸ Μρόγύ kotuyu səsaa yaa Piyee-we, na pá kisina-
we təpvlvpvlb sı pá taa tasa Yesu hətə ńté tō tōm
yōɣtvuyv yaa seɣesvuyv ke paa fəŋ maɣamaya.

¹⁹ Μρόγύ Piyee na Yohaani pa cō kotuyu səsaa mpe
sı: Mə maɣamaya í maɣası-təɣı mə taa na í na. Pepe
kəla teu ke Isō isəntaa? Meye tə se yaa Isō? ²⁰ Ama nti
nti tá nuwa na tə nana ta ise tō, ta kaa pəsi na tó su tō
yōɣtvuyv.

²¹ Μρόγύ Kotuyu səsaa mpe pa ta nyı isəna mpi paa
la Piyee-we tō. ılena pá tasa-weye kpaalvuyv ke teu na

πά yele-wε. Pa ta hiki mpi pə təə paa hə pa ηkpaηyυv tə. Mpi pə təə tə, yəlaa təna saηaya Iso ké pə təna mpi pə lapa mpυ tə pə təə ké. ²² Apalυ wei inι piti təmle lapa na í hiki alaafəya ke mpυ tə, ι lυlyυv pusi ka kəla nule.

Iso σεελαα sələmvυv

²³ Kotυyυ səsaa yela Piyεε na Yohaani ilena pá tεε kpakpaa ke pa taapalaa kin, na pá keesi-wεyε tə təna nti kətəlaa səsaa na nyυyυ nyəma pa yəyətəa tə. ²⁴ Pεε pa nu-təyι mpυ, ilena pa təna pá sələmi Iso si: Hai, Tacaa, nyá lapəna isətəa na atε na teηku na pə təna mpi pə wε pə taa tə. ²⁵ Nyá yelina na Feesυyυ Naηηtv tv nyá təmle tv ta ləηce Tafiiti nəyə taa ké təm na í yəyətι si:

Pepe təə ké piitimnaa cəka pə taa na kalampaani ké mpυ?

Pepe təə ké yəlaa ná paasəna nəəhεε tεε kuuu ke yem ké mpυ?

²⁶ Ate awulaa səsaa kela təəη.

Tεtv təkəlaa ná pεela nəyə

na pá kulι Tacaa na ι Mesii pa təə.

²⁷ Tampana təə, Heləti, na Pəηsi Pilati, na mvulaa, na lseyeli piitim nyəma pa pεela nəyə ke nyá təmle tv naηη tv, wei n ləsaa si í la Mesii tə, ι təə ké icate təne tə taa. ²⁸ Mpi tuu ləη nyá toma taa n nəkaa na η mayasi na η si tə, pə mayamaya ke pa lapa təkεle.

²⁹ Tacaa, pənente nyəni kpaalυv mpi pa kpaala-tv na isələ kuseεmle tə, na η yele na nyá təmle nyəma tá tə heeli nyá təm na tu nyaηna pulυv paa pəcə. ³⁰ Tv nyá niη na kutəntvnaa hikiyι alaafəya, na η yele na yəlaa naaki nyá kəkələ nyəm na nyá piti təma ke nyá təmle tv naηηtv Yesu tvη taa.

³¹ Tillaa tɛma sɛləmɔyɔ, ɪlɛna lɔntɛ nɛtɛ tɛ taa paa kotaa tɔ tɔ sele. M̄p̄ɔȳɔ Feesuɔyɔ Nan̄ɛtɔ tɔŋ kulɔna pa tɛna. ɪlɛna p̄a sɔv̄ ɪsɔ Tɔm heeluɔyɔ na paa nyan̄na p̄ɔlv̄.

ɪsɔ sɛɛlaa taləyɔ pa tənaya pa wɛnav

³² ɪsɔ sɛɛlaa kɛkɛlə tɛna ka kaa lotu na lɔmayasələ kulɔmtələ kɛ tɛkpataa. Pa taa nɔyɔlv̄ taa fayasəyɔ na ɪ nyənəyɔ ɪ kɔwɛnam ɪsu ɪ tɪkɛ ɪ nyəm. Ama pa nyənaya pə tɛna mpi paa wɛna tɔyɔ ɪsu pa tɛna pa nyəm. ³³ Tillaa kɛɛsaya Taca Yesu fem tɔm na apalɔtv̄ kɛ, na ɪsɔ k̄a wɛ pa tɛna pa waal̄ kɛ teu. ³⁴ Pa taa nɔyɔlv̄ taa laŋ p̄ɔlv̄. Pə taya p̄ɔlv̄ tɔɔ, mpa paa wɛna tɛtɔnaa yaa tɛɛsɪ tɔ pa pɛɛtaya kɛ na p̄a kɛŋna pə liyitee, ³⁵ na p̄a cɛləyɔ tillaa. Ye pə caala wei pa waasəna-ɪ.

³⁶⁻³⁷ Mp̄v̄ ɪnɪ pə yelina Lefi tv̄ nɔyɔlv̄, wei pa yaakaya sɪ Yosɛf̄v̄ na p̄a l̄ɔla-ɪ Sipili tɔ, ɪ pɛɛta ɪ tɛtv̄ natəlɪ na ɪ mən̄na pə liyitee na ɪ cɛla tillaa. ɪnəyɔ tillaa ka cuɔusaa sɪ Paanapasɪ. (Apalɔtv̄ halv̄ kɛ pa yaa mp̄v̄ na pa tɛ taa.)

5

Ananiyasɪ na ɪ alv̄ Safila pa tɛm

¹ M̄p̄ɔȳɔ apalv̄ nɔyɔlv̄ ɪlɛ, pa yaa-ɪ sɪ Ananiyasɪ, na ɪ alv̄ sɪ Safila. ɪ pɛɛta pa tɛtv̄ natəlɪ na ɪ alv̄ wɛna pə nyəm. ² ɪ tɛma pɛɛtv̄yɔ, ɪlɛna ɪ faya liyitee taa na ɪ su. ɪlɛna ɪ pona wɛna a kaasaa tɔ, na ɪ cɛla tillaa na ɪ alv̄ wɛna pə tənaya mp̄v̄ pə nyəm. ³ Tənaya Piyɛɛ p̄ɔsa-ɪ sɪ: Ananiyasɪ pepɛ tɔɔ kɛ Satanɪ hika-ŋ m̄p̄ɔȳɔ katatəlaya, na ń kaasɪ nyá təyɔ tɛtv̄ nti n pɛɛtaa tɔ tɔ liyitee, na ń puɔusi Feesuɔyɔ Nan̄ɛtɔ?

⁴ N taa pɛɛtəta-ti tɔ, nyá tetu ké mɛɛ. Na n tu tɛma-təɣi pɛɛtuɣu tɔ, awe ti liyitee, pə taya nyá? Uɛ isənaya pə lapa na í paasi na í mayasi nyá taa na í la yaasi isayav inɛ i taka? Iso ke í puɣusaa pə taya yəlaa se.

⁵ Ananiyasi nu təm tənɛ inɛ, ɪɛna í hoti na í si. Ḿpúyú pə lapa pa tənɛ mpa pa nu təm tənɛ inɛ təɣɔ keniŋa nakəli pə tu fɛi. ⁶ ɪɛna ifepiya kuli na pá takɪ-i puɣu na pá pona-i pim.

⁷ Pə lapa laasaya isu kaləfunaa tooso, ɪɛ Ananiyasi inɛ i alɔ suɔwayalɛ. Ama i ta nuta nti tə tɛma lapu tɔ.

⁸ Ḿpúyú Piyɛɛ pɔɔsa-i si: I pɛɛta mə tetu nti tɔ tə liyitee tənayaɔ? Heeli-m.

ɪɛna Ananiyasi alɔ cɔ si: Anəɣalɛ mpu.

⁹ Tənaya Piyɛɛ yəɣɔta-i si: Isənaya mə lapa na í kɛnti na í paasi na í huɔ si í mayasəɣi Tacaɔ Feesuyu Naniŋtu si í naa i waali? Nyəni, mpa pa pima nyá paalɔ tɔ pa tɛma kəntɛ, mpeɣɛɛ nənəɣɔ tɛɛ. Paa tɛɛsi nyaya tɛɛnaɔ.

¹⁰ Tənaya Ananiyasi alɔ inɛ i hota Piyɛɛ nəɔhɛɛ tɛɛ ké kɛkɛpa na í sí. Ifepiya suɔwa, ɪɛna pá mayana i sɛpa. ɪɛna pɛɛɛ pá kɛɣa-i na pá polo pá pimi-i i paalɔ kəŋkəŋ taa. ¹¹ Ḿpúyú təm nti tə lapa Yesu sɛɛlaa kɛkəɛ tənɛ na mpa pa nu-ti tɔ pa tənaya keniŋa nakəli pə fɛina.

Piti tɛma payalɛ təŋna lapu

¹² Tillaa lapa Iso kəkəɔ nyəm, na piti tɛma payalɛ kɛ yəlaa hɛku taa. Iso sɛɛlaa tənɛ kotaya Salɔmən sakaya səsaya tɛɛ. ¹³ Samaɔ puɣulaya-wɛɣɛ pə tu fɛi, paa na mpu yulu kɛɛ tu kɛ yem nyanayana pa taa suɔ. ¹⁴ Ama apalaa na alaa samaɔ mpa pa mɔkaya Tacaɔ təm na pá səsəɣi iso sɛɛlaa kɛkəɛ tɔ tɔ, pa nyəŋ təŋna hukuyɔ kɛ səsəm. ¹⁵ ɪɛna yəlaa náá

suv kvtəntvnaa ke lunav, na pá husi-weyε katonaa na nyaaləŋ təə ké harεε nəsı, sı ye Piyεε tεekəna təna, ı ilεemvıyυ mayamaya tu tokina kvtkınav ke pa taa lɛlaa. ¹⁶ Yəlaa samaa lukayana Yosalem cəlv acalεε taa na pá kəŋna kvtkvntvnaa na mpa aləya cəsaya tə, na pa təna pa hikiyi alaafəya.

Tillaa təyə kvnyəŋ

¹⁷ Tənaγa ısəsεmle kpa kvtlv səsə ke səsəm ke tillaa təə, na ı kıŋ cayalaa təna mpa pa ké Satusee kpekəle nyəma tə. Haləna pá hvı sı paa kvlı pa təə.

¹⁸ Ḿpóyú pa kpa tillaa na pá təkı-weyε timpı pa təkəyi samaa təna tə. ¹⁹ Ama Tacaa ısətəa tillu nəγəlv kəma ahoo taa na í tvlı saləka nənəsı, na í ləsı tillaa. İlena í heeli-wε sı: ²⁰ İ polo İsə təsεεle taa təkəa na í kεεsı samaa ke layasvıyυ mpaav kvne kv təm.

²¹ Ḿpóyú tillaa lapə nti ısətəa tillu heela-wε tə. Pa kvla tanəŋ ahula tεε na pá polo İsə təsεεle taa na pá niki waasv lapv.

Tənaγa kvtlv səsə na ı kıŋ cayalaa təna pa kota Yuta Kotuyυ səsəv nyəma. İlena pá tılı sı pá ləsı tillaa ke saləka taa na pá kəna. ²² Waatv wei filisinaa ná tala saləka taa tə, pa ta mayana-wε. İlena pεle pa məlı kpakpaa na pá heeli hvıle səsaa mpe sı: ²³ Tə talaa na t́ mayana saləka nənəsı kaləsa mpv təkəŋkəŋ, na tanlaa náá səŋa pa təsəŋlənəa ke nənəsı təna. Ama tə tvla nənəsı, ilε nəγəlv fεı pə taa.

²⁴ İsə təsεεle tanlaa nyvıyυ tv na kvələa səsaa pa nu mpv, ilena tillaa məkıyυ mpı pə tv-weyε piti ke teu. Haləna pa ta nyı mpı təm tənε tii tənə tə. ²⁵ Tənaγa nəγəlv ná lu yem na í heeli-wε sı: İ nawaə, mpa inı í

ka tu saləka tə, pa wenna nteye Iso təseele səsəle taa na pá laki yəlaa ke waasu.

²⁶ Ḿpóyó taŋlaa nyuyú tu iní na í yəlaa pa polaa na pá kəna tillaa təhe. Pə taɣa pulv tə, paa wena yəlaa səɣəntv sí pá taa kə pá yoo mpeɣe pe.

²⁷ Taŋlaa nyuyú tu tana tillaa, ɫena pá səŋsi-wɛɣe təhuvle taa, na kətulv səsə suv-wɛɣe təm pəssuyv.

²⁸ Tənaɣa í təma-wɛ sí: Isu tə kisina-me təsaɣasaɣa sí í taa tasa apalv iní í təm ke yəɣətvuyv ya? Na pepeyele í lapa isəntə? Í yasa mə seɣesuyv nté Yosalem ɪcətə təna təmam, na í caa í məŋna í səm təm nté ta nyəŋ taa.

²⁹ Ntəna Piyee na tillaa ləlaa pa cə kətulv səsə sí: Pə wɛɛ sí Iso ké tə se, pə taɣa yəlaa. ³⁰ Ta caanaa caanaa Iso feesa Yesu wei iní mə kama tesika tə na í sí tə. ³¹ Iso kusa í nyuyú na í caɣasí-í í kəŋkəŋ taa, na í lapí-í wulav na waasulv səsə, sí pə la na lseyeli nyəma laɣasí təntə na Iso husí pa isayətv. ³² Tə ké pə təna mpi pə lapa mpv tə pə aseeta nyəma. Pə taɣa tá tike. Ama tá na Feesuyv Nanjtv wei Iso ha mpa mpa pa nukəna-í təɣə.

³³ Kotuyv səsəv kotilaa mpe pa nu mpv, ɫena pa pááná huu səsəm, haləna pa caakaya pa kv tillaa səsaa. ³⁴ Ama pa taa ka wɛ Falisa nəɣəlv wei pa yaa sí Kamaliyee tə, í ké pa Iso Təm seɣesəlv səsə, na yəlaa seekaya-í. Ḿpóyó í kulaa na í səŋ huvle taa, na í tə sí pá ləsí tillaa na awalí tə na pəcə. ³⁵ ɫena í heeli kotilaa sí: lseyeli nyəma mə, í la laakalı na mpi í caa í la yəlaa panə tə. ³⁶ Matəŋ wulənaa taa ké Teutasí kulaa na í nyəni í tı isu yulv nəɣəlv, na yəlaa isu nasəle (400) təŋ í waalı. Ḿpóyó pa kv-í, na mpa pele pa təŋaya í waalı tə pá ya ŋkəŋka, na pə təna pə saalı yem. ³⁷ ɫé í waalı ké

Kalilee tu Yutaasi ná kula kúkaluyv waatv, na í tən̄si yəlaa kupiŋ ke ɪ waali. Ama pa kv ílé tətə, na pə yasi pa tən̄a mpa pa tən̄aya-ɪ tə. ³⁸ Pə təw kə pənente ma heeliyi-me si, í taa paasəna yəlaa panɛ inɪ pa təm tətə. ɪ yele-we na pá tɛɛ. Pə taɣa pulv təw, ye yəlaa kin ke pa kookali na pa təma lunaa, pu saali kə. ³⁹ Ama ye tampana Isə kin ke pə lunaa, í kaa pəsi na í la-weɣe pulv. ɪ la laakali, pə taa kəw na í yoonə Isə.

Mrúyú kotilaa mu Kamaliyee təm. ⁴⁰ Uena pá yaa tillaa na pá həkɪ-we, na pá heeli-we si: Yesu təm í taa tasa mə nəəsi taa kə luu. Uena pá yele-we si pá tɛɛ. ⁴¹ Mrúyú tillaa lu kotuyv taa na lan̄hulvmlɛ kuyv-we ɪsu Isə tən̄a-we na í yele na pá ná konyəŋ ke Yesu təw tə. ⁴² Paa ifemle nte, pa ta hɛɛsi Yesu wei ɪ kə Mesii tə ɪ Laapaali Kupaŋ heeluyv, na waasv lapv ke tɛɛsi taa na Isə təsɛɛɛ taa.

6

Yəlaa naatosompəɣəlaya ləsvyv

¹ Waatv inɪ ɪ taa Tacaə tən̄laə tən̄na səsuyv. Mrúyú pə lapa təmaɣa ke Yuta nyəma mpa pa yəɣətaya Kələeki təm tə na tətə Yuta nyəma pa həkɪ, si tətə Yuta nyəma u paasəɣəna mpe pa leelaa ke teu ke paa ifemle nte tə təɣən̄aya taluyv taa. ² Tən̄aya tillaa naanvwa na naale inɪ ɪ kota Tacaə tən̄laə kpekəle tən̄a na pá tə-we si: Pə ta mən̄a si tə yele Isə Təm paasənav na tə laki kotəɣəŋ təm. ³ Pə təw tə, apalaa me, í nyən̄i na í ləsi mə taa kə yəlaa naatosompəɣəlaya, mpa yəlaa sama na Feesuyv Nan̄htv ton̄ təw pa kin na pá wena ləmaɣasɛɛ ke səsəm tə, na tə tv-weɣe təmle tən̄ɛ. ⁴ Ue saa inɪ taa hiki cayale na tə paasəɣəna Isə sələmvuyv na waasv lapv ke tam.

⁵ Μπόγύ pa kpekəle tənə lanjle heena təm nti, ilena pá læsi Itiyeeni. Yulu inı ı tisa ı yun ke İso təo ké teu, na Feesuyu Nanjtu tonj təo ı kin. Pa læsa tətəyo Filipu, na Pələkulu, na Nikanəo, na Timəj, na Paləmenasi, na Antiyəka Nikolaa, wei ı ka suu Yuta nyəma mpaav taa ké kusuu ke hatoo ləj tə. ⁶ İlena pá pona-weyə tillaa kin, na pele pá sələməna-weyə İso na pá tənı pa təo ké niş.

⁷ Μπόγύ İso Təm tənna yekuyə na tə puki, na Tacaa tənjlə nyəəj tənna səsuşu ke səşəm ke Yosalem taa. Haləna kətəlaa paşav tisi na pá mu Yesu təm ke teu.

Itiyeenı kpaav

⁸ İso we Itiyeenı waalı na í hikiyi toma ke səşəm, na í lakı piti təma na İso kəkələ nyəm ke yəlaa heku taa. ⁹ Μπόγύ Yuta nyəma təkotile nte pa yaa sı Yomaa Kuhetaa təkotile tə, tə taa yəlaa napəli mpa pa ké Silleenı na Alekəsantilii nyəma tə, pá na Silisii na Asii tetu pə Yuta nyəma napəli pa kula Itiyeenı təo, na pá na-ı pá suu təm həm taa. ¹⁰ Ama Itiyeenı kələ-we na təm. Pə taşə pulu, Feesuyu Nanjtu hana-ı ləmayasəe na í yəşətəşəna. ¹¹ Μπόγύ yəlaa mpe pa ha yəlaa ke liyitee sı pá yəşəti sı: Tə nuwa ı şayata Moisi na İso. ¹² Na pa şəsa yəlaa na nyuşu nyəma na İso təm şeyəsəlaa şəsaa, na pele pá kuli Itiyeenı təo, na pá kpa-ı na pá pona-ı təşvule şəsəle taa. ¹³ Μπόγύ pa caa yəlaa napəli sı pele pá suu Itiyeenı ke təm sı: Apalu inə ı şayətəyi tá İso təşeele şəsəle kupante tənə na İso Təm ke tam ké. ¹⁴ Halı tə nu ı yəşətaa sı: Nasaleti Yesu inı ı ká yəki tá İso təşeele şəsəle tənə, na í laşası kətasi nsi Moisi naa hula-tu tə.

¹⁵ Μπόγύ təşvule taa caşalaa tənə pama Itiyeenı təo ké İse, na pá ná sı ı İsentaa mu İşətaa tillu wəətu.

7

Itiyeeni WaaSu

¹ Tənaɣa kətɔlv səsə pəəsə Itiyeeni si: Tampana pə lapa mpv? ² Ḿpógú Itiyeeni cəwa si: Ma tɛɛtvnaa na ma caanaa me, í tv ŋkpaŋŋ na í nu. Teeli Iso lu ta caanaa caanaa caa səsə Apələham təw ḱe ɪ ka wev Mesopotami na ṕécó í kuləɣi na í puki Halan ke cayav tə. ³ Na í təm-i si: Kuli na ŋ yelev nyá tetv na nyá nyéma. Maa huli-ŋ tetv nti tə taa n ká polo ŋ caya tə. ⁴ Ḿpógú Apələham kula Kaləttee tetv taa na í polo í caya Halan. Apələham caa səpa, ilena Iso ləsi-i Halan təna na í kəna-i timpɪ mə we kayana isəntə tə. ⁵ Iso tá ha-i tetv nti tə taa ḱe pulv mayamaya. Paa tɛeliya si í sopi sopuyv mayamaya. Ama Iso təma-i kətəm ḱe si ɪ ká ha-i tetv nti. I mayamaya ɪ piya ká tɛna na pá ti-ti tətəɣə ɪ səm waali. Ṕécó waatv inɪ Apələham feina pəyaya. ⁶ Ile nti Iso heela-i təɣəle si: Nyá piya ká caya cayalətv ke lelaa tetv taa, na pɛle paa la-weɣe yomaa. Paa tv-weɣe wahala ke pusi nasəle (400) təcu ḱe təna. ⁷ Ama Iso təma si ɪ ká pəəsi piitim mpi pi tv-weɣe yomle ke mpv tə. Pəle pə waali ile paa lu təna na pá kəw tetv təne inɪ tə taa na pá paasəna Iso sɛev. ⁸ Ḿpógú Iso lapa na pɛlvɣv pəsi Apələham ke kətaya ŋka kaa təsəɣi-i nti í na Iso paa yəɣətəa na pá su tə. Pə təw ḱe Apələham kəma í luli Isaaka tə, ɪ pɛla-i ɪ kuyeyɛŋ pələfei naanəwa wule. Ilena Isaaka náá pɛli ḿpógú Yakərv, na Yakərv ná pɛla ḿpógú ɪ piya naanəwa na naale mpa pa ke ta kpeka caanaa caanaa səsaa tə. ⁹ Ta caanaa caanaa mpe pa lapa Yosɛfv ke isəsɛmle na pá pɛeti-i, na pá pona-i Icipiti ke yomle. Ama Iso ka we Yosɛfv waali, ¹⁰ na í yapa-i ɪ wahalanəa təna taa. Pə kəma na Yosɛfv tala Icipiti

wulav səsə kinj tə, Isə lapa na wulav lanje heena ı yaasi na ı layatv. Haləna Icipiti wulav nana-ı kufəneε krau, sı ı nyənəyi Icipiti tetv təna na ı mayamaya ı təyaya pə tə. ¹¹ M̄p̄ȳȳ nyəȳsı anaam lu Icipiti na Kanaaj pə tetv təna taa. Pu hanja teu kē təkōjkōj haləna ta caanaa caanaa mpe p̄a p̄εki mpi paa təyə tə na p̄a kpisi. ¹² Pə kəma na Yakərv nu sı təyənaya p̄ee wε Icipiti, ılena ı kvsı t̄a caanaa caanaa mpeye təm kancaalaya nyəm na ı tili. ¹³ Pa kəma na p̄a m̄əli təm naale nyəm, ılena Yosεfv l̄a na ı taalvnaa nyəmı-ı. Na pə lapa tətə na Icipiti wulav səsə mayamaya n̄a cəkəna ı piitim. ¹⁴ M̄p̄ȳȳ Yosεfv tila ı caa Yakərv na ı nyéma təna waalı na p̄a kə. Pa wε yvlonyəj nutoso na naanvwa na kakpası. ¹⁵ M̄p̄v pə lapəna Yakərv nana Icipiti pote, na ı can ı sı təna. Ta caanaa caanaa n̄a səpa təna tətə. ¹⁶ Pa k̄rakayaa-wεye na p̄a m̄ələyənə Sikem, na p̄a pin-wεye p̄əlaav ηku Apələham ka yapa Heməə nyéma kinj na liyitee tə kv taa.

¹⁷ Pə kəma na p̄ə tala nti Isə ka təma sı ı k̄a la Apələham tə tə lapv tə, t̄a piitim nyéma hukə səsəm, pa payav kε Icipiti wε səyontv. ¹⁸ M̄p̄ȳȳ wulav səsə k̄falv n̄əȳlv n̄a cayaa, ılé ı taa nyı Yosεfv. ¹⁹ Wulav ıni ı lapa t̄a piitim kε acilayatv. ı tv ta caanaa caanaa kε wahala kε teu na kvcaalv̄ȳv, sı p̄a lə pa ahvlv̄mnaa na p̄a sı. ²⁰ Waatv ıni ı taa kē pa lula Moisi. ı ka kē p̄əyaya k̄p̄an̄ka ηka ka te Isə kē teu tə. M̄p̄ȳȳ Moisi nyéma tə-ı ı sət̄vnaa tooso kē pa tε. ²¹ Pə kəma na p̄a lə-ı tə, Icipiti wulav səsə p̄εlv hiina-ı na ı t̄akı-ı ısu ı mayamaya ı kvlv̄lv. ²² M̄p̄v pə lapəna Moisi nyémá Icipiti nyéma nyəm təna. Haləna ı l̄a yvlv wei ı yəȳota nti tu hotiyi ate tə, na ı p̄əsa təma.

23 Pə kəma na Moisi pusi tala nule, ilena í huu si ı ká polo na í wiili ı lseyeli nyóma ləlaa. 24 Moisi polaa ilena í mayana Icipiti tu nəyɔlv í lakı pa taa nəyɔlvɔv mʊsɔŋ. Ilena í mu wei pa lakı m̄póyó mʊsɔŋ tɔ ı tɔm na í suna ı ti, na í lɛɛti Icipiti tu, na í caŋ í kv-ı. 25 Moisi ka nyəmaɣa si ı lseyeli nyóma ká nyi si inəyi lɔ ləsaa si í waasi-we. Ama pele pa ta nyi mpv. 26 Kv fema ilena í mayana lseyeli nyóma naale na pá makı, ilena í polo pa loluyv. Na í tɔ-we si: Apalaa me, mə kvlɔm ké, lɛ pepe tɔɔ ké í lakı təmaɣa mʊsɔŋ? 27 Ama mʊsɔŋtu wei ı lakaya ı tɔyɔntəle ke mʊsɔŋ tɔ ı nyasa-ı tɔm si: Ma na-ŋ, tá wulav na tá tɔm huulv. 28 Tete n tɛma Icipiti tu ke kvɔv tɔyɔle saŋa n nyəma si n ká tɛɛsi ma na? 29 Moisi nu mpv, ilena ı se kpakpaa na í polo í caɣa Matiyəŋ tɛtv taa. Matiyəŋ tənaya ı lola apalv piya naale.

30 Pə kəma na pusi nule cɔɔ, lɛ kvyakv nakulı ı we wɔlaya tɛtv taa ké puyv Sinayi kin. M̄póyó hotiya nakəli ka svv kəkə mʊyɔv, ilena ısɔtaa tillu lu ı tɔɔ ké hotiya ŋke ka kəkə taa. 31 Moisi nawa mpv, ilena pə lapı-ı piti. Tənaya ı tuusaa si ı wiiliyi teu, ilena í nu Tacaa nəyɔ si: 32 Mayale nyá caanaa caanaa lɔ, Apəlaham na lsaaka na Yakərv pa lɔ. Tənaya sɔyɔntv kpa Moisi ke səsəm na í seliyi, haləna í kpisi nyənyv. 33 Ilena Tacaa tɔ Moisi si: Wəyɔsi nyá ntaŋkpala, timpı taa n səŋa mpv tɔ pə ké tɛtv katɛ nyəntv ké. 34 Ma nawa ma yəlaa mpa pa we Icipiti tɔ pa wahala, ma nu pa wula. Ilena má tii si ma yakı-we. Tɔv, kvli, ma tiliyi-ŋ Icipiti.

35 Moisi wei inı ı tɔm lseyeli nyóma ka kisaa təkpatəkpata na pá tɔmı-ı si: Tə na-ŋ, tá wulav na tá tɔm huulv tɔ, kvlɔm inəyi lɔ tayaana kvsvyɔv na í tili pa

kiŋ, si í la pa wulav na í waasi-wε na isətaa tillu wei
 ı ka lu ı təə ké hotiya kiŋ tə ı ton taa. ³⁶ Inı ı lapəna
 piti təma na Isə kəkələ nyəm na í ləsi-wεye Icipiti tetv
 taa. ı lapa mpv tətəγə səsəncaası tenku taa na wulaya
 tetv taa, halı pusi nule. ³⁷ Moisi inı ı heelina Iseyeli
 nyəma si: Isə ká kəna-mεye Isə kuyəγətutu teləsulv
 nəγəlv wei ı wε isu má, na ı ká wεε mə mayamaγa mə
 piitim tv tə. ³⁸ Kulvm inı ı ka wenna Iseyeli nyəma
 mpa paa kota wulaya tetv taa tə pa kiŋ. ı na isətaa
 tillu wei ı ka yəγətəna-ı puyv Sinayi təə tə pa wenna
 tá caanaa caanaa kiŋ ke tənε inı. Moisi inı ı mvna Isə
 Təm nti tə lakı təmlε ke səsəm tə si ı teləsəyi-tv.

³⁹ Ama tá caanaa caanaa ta nuna-ı. Pa kisa-ı na pá
 kpaγa pa laakalənaa na pá məhna Icipiti. ⁴⁰ Haləna
 pá yəγəti Aləŋ si: Lu-tuyv tuyv na tə nyənəyi-ku. Pə
 taya pulv, tə ta nyı mpi tá Icipiti taa ləsəlv Moisi
 təmnaa tə. ⁴¹ Mprúγú pa lupa naule na pá pəsi-teye pa
 tuyv na pá laa-tε. Haləna pá yəələna pa niŋ kulupum
 mpəyi teu. ⁴² Mprúγú Isə lapa-wεye awusa na í ye-
 wε si pá nyənəyi isətvlnəasi ke pa tuŋ, isu paa ηmaav
 Isə kuyəγətutu teləsəlaa takəlası taa tə si:

Iseyeli nyəma mε,
 maya í lapa kətasi na í fεenı
 wulaya tetv taa ké pusi nule taa?

⁴³ Aai, tuyv Moləki cokəle na mə tuyv

Lefan isətvlnəa lεεsvyv ke
 í kpaγaa na í paasəγəna.

ı tənaya mpv, pə taya wei í lupa si
 í təhəyi təγələ?

Pə təə ké maa yelev na pá pona-mεye Papiloni,
 haləna í tεε pə waalı.

44 Wulaya tetv taa tənə inı tá caanaa caanaa ka wəna cokəle, na tə taa na seliya kpraatanaa. Paa sika-teye teitei ké isu Isə ka heeluyu Moisi tə. Teitei isu nte tə taka Moisi ka nawa tə. 45 Tá caanaa caanaa cəla-teye pele pa waalı nyóma. Ilena pele pá kpenna-teye timpı Yosuwee tee-weye nəɣə na Isə yası piitimnaa ke pa isentaa na pá təɣə tetv tə. Na tó wee tənaya mpv, haləna Tafiiti waatu. 46 Isə lanle heena-ı teu, ilena Tafiiti náá sələmi-ı nəɣə, sı ı lakı inı wei ı ké Yakəpu Isə təɣə təcaɣale. 47 Pə na pə mpv tə, Saluməŋ ŋmana-ı kutuluyu ŋkv.

48 Ama pə taya isətaa Isə Səsə inı ı cakı kutulun wei yəlaa niŋ ŋmawa tə ı taa se. Halı Isə kuyəɣətutu teləsulə mayamaya yəɣəta mpv sı:

49 Tacaə yəɣətaa sı:

Isətənyu nté ma kumte.

Ateyele ma nəəhe təsule.

Ile kutuluyu ŋku kv taka ké í pəsəyi na í ŋma-m?

Na leyele ma təheesəle?

50 Pə taya má lapəna pə tənaya mpv na ma niŋ?

51 Təu, yəlaa mpa me í təma keeluyu tə, mə lanə lapa kpusəŋ na mə ŋkraŋŋ tēli na í kisi Isə Təm. ı kpeesəɣəna Feesuyu Naŋŋtu ke tam, mə caanaa kate ke í kpaɣaa. 52 Mə caanaa naasa Isə kuyəɣətutu teləsəlaa mpe pa təna na pá səə kulum ke? Pa kv mpa pa heelaya sı tampana təŋlv inı ı ká kəə tə. Kulum inəɣəle mə lapa kələmətə ke nəənoə na í kv. 53 Halı meye isətaa tillaa teləsa Isə kusəsutu. Pəyele u caakı tə təkuyv.

Itiyēni səm

54 Yuta nyóma nu mpv, ilena pááná huu pa taa, na pá sala pa niŋ ke Itiyēni təə na pá taŋaa. 55 Ḿpúyú

Feesuyu Nanηtu toma koləna Itiyeeni ke teu. Ilena í teki ı ise na isə na í na Isə teu səsəəm na Yesu səha ı ntəyən təə. ⁵⁶ Tənaya ı təma si: ı naa, isətənyu tulaa, na má naa Yulu Pəyaya na ká səha Isə ntəyən təə.

⁵⁷ Ḿpúyú Yuta nyəma mapa kapusi ke teu, na pá təkı pa ηkraηη na pá huli Itiyeeni. ⁵⁸ Na pá tuli-ı na pá luna ıcate waali, na pá suu-ı pεε yaγau si pá kv-ı. Mpa paa ké pə aseeta nyəma tə, pεle pa suna ifepu wei pa yaa si Səəli təyə pa wontu. ⁵⁹ Pə təηna Itiyeeni ke pεε yaγau, ılena í sələmi si: Tacaə Yesu kelim. ⁶⁰ Ilena í lunη akula na í yəyətəna nəyə səsəəηka si: Tacaə, taa nyəni pa isayatu tənε. Itiyeeni yəyətə mpu, ılena í hεε.

8

¹ Səəli lanje ka hεena Itiyeeni kuyv.

Wahala yasa Yesu seelaa kpekəle

Kuyaku ηkv kv maγamaγa ke pa suu Yosalem Yesu seelaa kpekəle ke kunyən tuyv ke teu. Ilena pa təna pá ya Yuta na Samalii taa, na pə yele tillaa tike. ² Ḿpúyú yəlaa mpa pa təηəyi Isə mpaav ke teu tə pa pima Itiyeeni, na pá wiı-ı səsəm.

³ Ama pə yela Səəli ilé tə, Yesu seelaa ke ı təηna luyv si ı laki sakasaka. Tεεsi taa ké ı suvkaγa na í kpaaki apalaa na alaa na í təkəyi.

Filipv kpaaləyi Laapaali Kupaη ke Samalii

⁴ Mpa mpa pa ya mpu tə pa cəkəγa paa le na pá heeliyi Isə Təm Laapaali Kupaη. ⁵ Samalii ıcate ke Filipv ná polaa na í heeliyi təna nyəma ke Mesii təm. ⁶ Piti təma nna Filipv lakaya tə samaa nu a təm na pá nana pa ıε. Pə təə ké waatu wei í yəyətəyi, pa təna təpai pa tuyi ηkraηuyv ke teu. ⁷ Pə taya pulv, aləyaa

kiisaya na pá seeki aləyəhilaa paɣale kin na acamaa na kaakalasi paɣale hika alaafəya. ⁸ M̄p̄yú yəlaa laŋa h̄l̄l̄ma katatəlaya, haləna pə la icate nteye yun.

⁹ Apalu nəyəl̄v naa we icate nté tə taa ké hatoo ləŋ, pa yaaki-ı sı Siməŋ. Apalu ını ı lakaya topotopo təma ké, na pə lakı Samalii nyəma tənaya piti. ı nyənaya ı təyi səsə ké pə tii fei. ¹⁰ Pə kraɣav piya na pə polo səsaa tə pa təna pa wutaya-ı ké. Haləna yəlaa tənaya sı: Iso toma nna pa yaa toma səsəna tə a tv ntə.

¹¹ İlena pá wutiyi Siməŋ ını ı waalı. Pə taya p̄lv, ı topotopo təma ka temna-weye piti lapv ke hatoo ləŋ. ¹² Ama Filipv kəma na í heeliyi-weye Iso Kawulaya na Yesu Kilisiti pə Laapaalı Kupaŋ tə pa mv Laapaalı Kupaŋ ınəyi teu, haləna pá sə apalaa na alaa ke Iso lvm. ¹³ Siməŋ ilé ı maɣamaya ı muwa na pá sə-ı Iso lvm. İlena í svv Filipv ke tənuyv na ı nyənaya Iso kəkələnna səsaa na piti təma nna a lakaya tə na pə we-ı piti.

¹⁴ Tillaa mpa paa we Yosalem tə pa nuwa sı Samalii nyəma mv Iso Təm, ilena pá k̄vı Piyee na Yohaani na pá tili sı pá polo na pá ná. ¹⁵ Piyee pa tala təna, ilena pá sələmənna Samalii nyəma mpeye Iso sı pá hiki Feesuyv Naŋŋtv. ¹⁶ Pə taya p̄lv, Taca Yesu həte tike ke paa yaawa na pá sənə-weye Iso lvm. İle Feesuyv Naŋŋtv ta tiita pa taa nəyəl̄v ı tə. ¹⁷ Tənaya Piyee na Yohaani pa təna niŋ ke pa tə. İlena pá hiki Iso Feesuyv Naŋŋtv.

¹⁸ Waatu wei Siməŋ nawa sı tillaa tənə-weye niŋ na pá hiki Feesuyv Naŋŋtv tə, ı cəla-weye liyitee, ¹⁹ na í tə sı: ı cəle maya mpv ını pə lapv tətə, na má tənə wei ké niŋ, p̄ntv hiki Feesuyv Naŋŋtv ke mpv.

20 Tənaya Piyee təma si: Isəna mpi n huuu si pa pəsəxi pá ya Iso hate na liyitee tə, nyá na nyá liyitee í la yem. 21 N kaa na pulv cəcəka. Pəyele nyá paa mayamaya tu fei təne iní tə taa. Pə taya pulv, Iso isentaa nyá lotu ta te. 22 Ue lə nyá hūwēe asayee aní, na n̄ wiina Tacaa na í huli-ŋ suulu na í taɣani-ŋ nyá hūwēe asayee aní. 23 Pə taya mpv, ma naakuyv-ŋ tə, nyá na nyanj ké isu kakaya. Isayatu lapv təkəna-ŋ təkem.

24 M̄p̄yú Siməŋ cə-we si: Mu wiina-m na Tacaa, na nti í yəɣota mpv tə tə taa natəli í taa la-m.

25 Tillaa mpe pa naale pa tema nti nti pa nawa təɣə keesuyv na waasu lapv. Uena pá kuli na pá məli Yosalem. Pa məlaya mpv tə, pa heelaya Laapaali Kupaŋ ke Samalii acalēe paɣalē taa ké na pá təŋna pote.

Filipv na Itiyopii tv pa təm

26 Tacaa isətāa tillu nəɣəlv heela Filipv si: Kuli na n̄ təŋ ilim mpətəŋ tə, na n̄ katí hapəle nte tə luki Yosalem na tə puki Kasa tə. Wulaya tetv taa ké hapəle n̄tə tə faɣanaa.

27 M̄p̄yú Filipv kulaa na í tv mpaav. I təŋna pote, ue ɪ nawa yulv nəɣəlvuyə. Sese Itiyopii yulv katanja nté. Iní ɪ ka kəna Itiyopii wulav səsə alv nyəŋ wei pa yaa si Kantasi tə ɪ akewe səsə, wei ɪ nyənaya ɪ kpancoou təna tə tə. Apalv iní ɪ ka luna Yosalem kēle Iso seev. 28 I caya ɪ keeke taa, na í kaləxi Iso kuyəɣətv teləsulv Isayii takəlaya taa na í təŋna krente. 29 Tənaya Feesuyv Nanjtv heela Filipv si: Tə na n̄ krətəna keeke iní.

30 Μρύγύ Filipu kpaɣa asewa na í tala ι kin, na í nu ι tɔɲna Iɔ kuyɔɔtutu teləsulu Isayii takəlaya taa ké kalɔyɔ. Uena í pɔɔsi-ι si: N cekəna nti n kaləyi tɔyɔle?

31 Μρύγύ yulu katanɔa cɔ Filipu si: Ye nɔyɔlu ta seɣesi-m, isənaya maɔ la na má cekəna?

Uena yulu katanɔa tɔ Filipu si: Kra na ń caya ma kin.

32 Təm nti ι kalaya takəlaya ɲke ka taa tɔyɔle si:

Pa teɛna-ι isu pa teekuyuna

heu ke nampɔatəle tɔ.

I lapaya isu iwəyaya ɲka

ka hɔntu pa kɔɔki na ká suma tɔ.

I suma ńpύγύ ι ta cɔ natəli.

33 Pa tu-ι taɔləm na pá ku ι təm ke pətɔɔtəle ke yem.

Awe ká pəsi na í keesi ι piitim təm?

Pa tama ι weesuɣu tomlə ke atə cəne.

34 Tənaya akewe inι ι təma Filipu si: La suulu na ń heeli-m, awe təm ke Iɔ kuyɔɔtutu teləsulu keesəyi mpu? I maɣamaɣa ι təm yaa nɔyɔlu nyəntu?

35 Uena Filipu sɔy yɔɔtuyɔ, na í kpaɣa təm nti inι apalu inι ι kalaya mpu tɔ, na ι seɣesəna-ι Yesu Laapaali Kupaɲ.

36 Pa tɔɲna təntə ke mpu, uena pá tala tiili isəntɔ, lum ka we tənaya. Μρύγύ akewe inι ι təma si: Nyəni lum yee, n kaa sɔ-m Iɔ lum ke cəneye kpaakraa? Yaa pə kaasa-m pulu?

[37 Uena Filipu cɔ yulu katanɔa si: Ye n tɔma nyá taa təkpaata te, má sɔɔ-ɲ ké.]

Μρύγύ yulu katanɔa cɔwa si: Ma tɔma ma taa si Yesu Kilisiti ké Iɔ Pəyaya ké.]

38 Tənaya yulu katanɔa səɲsa keeke na Filipu na akewe inι pá tii pa naaleɣe lum taa, na Filipu sɔ-ι Iɔ lum. 39 Pa luna lum taa, uena Tacaɔ Feesuɣu keli Filipu, akewe inι ι ta tasa-ι keesuɣu. Μρύγύ ι tu ι

mpaav na lanhulubmle kuyi-i. ⁴⁰ Ama Filipu ná tuta i təyi Asoto, na í lakı waasv ke acaləe nna nna a taa i təhnaa tə, haləna í tala Sesalee.

9

Səəli Layasvyv

(Tillaa Təmle 22:6-16; 26:12-18)

¹ Ama Səəli ná təhna Tacaa təhlaa kuyv kpeesoyv na isəle kuvseemle. M̄p̄ȳḡ i kulaa na í polo kətulv səsə kin, ² na í sələmi-i si: La-m takəlaya, na má pola Tamasi, na má mayana Yuta nyəma təkotilenaa taa ké mpa pa təhəyi Tacaa mpaav tə, paa apalaa paa alaa, ma kra-we na má həkə na má pona Yosalem.

³ Waatv wei Səəli we mpaav taa na í kpətəna Tamasi, ilə pə lina isə kele na pə la i isentəə tənyalulu isu kəkə ke təm kuləm təə na pə ná na pə cəəna-i.

⁴ M̄p̄ȳḡ i hota ate na í nu pə pəəsəyi-i si: Səəli Səəli pepe təə ké n tuyv-m konyəh ke mpu?

⁵ Təhaya Səəli pəəsaa si: Tacaa nyaya aweye ye?

Iləna pə cə Səəli si: Maya Yesu wei n tuyv konyəh tə. ⁶ Kuli na í polo icate taa, paa heeli-η nti n ka la tə.

⁷ M̄p̄ȳḡ pə tənmsa mpa pa təhaya Səəli tə na pá səha yem. Pa nukaya pə yəgətəyi, ama paa naaki nəgəlv. ⁸ Təhaya səəli kula ate na í nyənəyi yem u naaki. Iləna pá təkı i niη taa na pá həmi-i na pá pona Tamasi. ⁹ Na í caya kuvyeη toosoγo yulubmle tēe, i ta təgə, i ta nyəə.

¹⁰ Tacaa təhlv nəgəlv i ka we Tamasi na pá yaa-i si Ananiyasi. M̄p̄ȳḡ pə lapa-i isu toosee taka, na í ná Tacaa, na ilé i yaa-i si: Ananiyasi.

Na í tisi si: Tacaa mayalə.

11 Ӏlena Tacaa təmı-ı sı: Kuli təwaka na ń təŋ hapəle nte pa yaa sı Kusiyisile tə, na ń suv Yutaası təyaya, na ń pəəsi Taası ıcate apalv wei pa yaa sı Səəli tə ı təə. ı we təna na í təŋna İso sələmuyv. 12 Pə lapa-ı ısu toosee taka, na í ná nyá wei pa yaa sı Ananiyası tə, na ń suv sı n tənəyi-ı niŋ na ı ıse kuli.

13 Ḿpúyó Ananiyası təma sı: Tacaa, ma nu təŋlaa paɣale kiŋ ke apalv ıne ı təm, na ı ısayatv nti tə təna ı lapa nyá yəlaa ke Yosalem tə pə təm tətə. 14 Kətəlaa səsaa ha-ı nəyɔ sı í kəə cənə tətə na í həkə mpa pa təkə nyá təm tə.

15 Tənaya Tacaa cə Ananiyası sı: Polo, ma ləsa apalv ıneyi sı ma laki-ı na í heeliyi ma təm ke pi-itimnaa na awulaa səsaa na İseyeli nyəma. 16 Ma mayamaya maa huləna-ı kunyəməŋ wei ı ká təyɔ ma nyuyv təə tə.

17 Ḿpúyó Ananiyası təewa. ı kəma ı tala təyaya ŋke ka taa, ılena í təmı ı niŋ ke Səəli təə na í təmı-ı sı: Ma taapalv Səəli, Tacaa Yesu wei n kəŋaya na ń ná mpaav taa tə, ıni ı tilina-m sı nyá ıse í kuli na Feesuyu Nanjtv toma haya nyá taa ké səsəm.

18 Ḿpúyó pəlvəpənaa ısu hutu taka kəəla Səəli ısentəə ké kpakpaa na pə hoti ate na í suv nav. Ӏlena í kuli na pá sə-ı İso lvm. 19 Na í təyɔ kutəyɔv na í hiki toma.

Səəli laki waasv ke Taması

Səəli caya Tacaa təŋlaa mpa pa we Taması tə pa cələyɔ weə naale. 20 Ḿpúyó Səəli suv waasv lapv taa ké kpakpaa ke Yuta nyəma təkotilenaa taa. ı heelaya təfoo ké sı Yesu kele İso Pəyalv. 21 Na pa təna mpa pa nu ı waasv ıni tə, piti kpa-we na pá təŋ sı: Pə taya ıni ı ka səsəna ıəle na mpa pa təkə Yesu təm tənəye

Yosalem təgə kunyəŋ tuɣu? Isu ı ka kəma cəne sı ı kpaaw-e na í həkə na í pona kətəlaa səsaa ya?

²² Paa na mpv Səəli ná təŋna waasv lapv na ı toŋ səsəŋı tam na pə puki. ı hvlayaa Taması Yuta nyəma sı Yesu kəle Mesii. İlena pə məli pələŋe liɣituɣu, paa nyəŋ nti pə cə-ı tə.

²³ Wεε lapa naale, İlena Yuta nyəma caya na pə tayanı sı pə kv-ı. ²⁴ Ama Səəli nu nti pa həkəa na pə su tə. Na ıcate kolunja nənəəsı təŋa İlim na ahoο sı pə hiki-ı na pə kv-ı. ²⁵ M'p'uy' ahoο naalı Səəli İfalaa tv-ı səsətəkv səsəəv taa na pə tisi-ı na ıcate kolunja na í tεε.

PHIPI LI ISO TOM TAKELAYA
Portions of the Holy Bible in the Lokpa language of
Benin

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

PDF generated using Haiola and XeLaTeX on 21 Feb 2024 from source files dated 31 Aug 2023

ef14191a-91f7-51c1-ac89-7b93dd7c4377